

四庫全書

經部

欽定四庫全書

經部

詩經疏義會通卷十四

詳校官監察御史_臣盛嘉祐

通政使司副使_臣莫瞻菴覆勘

總校官編修_臣倉聖脉

校對官典簿_臣劉景岳

膳錄監生_臣沈方大

欽定四庫全書

詩經疏義會通卷十四

元 朱公遷 撰

桑扈之什二之七

交交桑扈

侯古反

有鶯其羽君子樂

音洛胥

叶思反

受天之祜

侯古反

興也交交飛往來之貌桑扈竊脂也鶯然有文章也

君子指諸侯胥語詞祜福也○此亦天子燕諸侯之

詩言交交桑扈則有鶯其羽矣君子樂胥則受天之

祐矣頌禱之詞也

桑扈交飛則彼此相輝而有文人臣受燕則上下相與而獲福此以

相交之益為興也但人臣之福出於人君曰天祐者天子之微詞耳

○交交桑扈有鶯其領君子樂胥萬邦之屏

卑鄂反

興也領頸屏蔽也言其能為小國之藩衛蓋任方伯

連帥之職者也

此亦頌禱之詞也軒錄王制云千里之外設方伯五國以為屬屬有長十

國以為連連有帥三十國以為卒卒有正二百一十國以為州州有伯王氏曰屏之為物禦外以蔽內也

○之屏之翰

叶胡見反

百辟

音壁

為憲不戢

莊立反

不難

叶乃多反

受

福不那

賦也翰幹也所以當牆兩邊障土者也

有以扞衛之則為屏有以

植立之則為翰

辟君憲法也言其所統之諸侯皆以之為法

也戢斂難慎那多也不戢戢也不難難也不那那也

蓋曰豈不斂乎豈不慎乎其受福豈不多乎

有功如此不伐

其功然後可受其福也 增釋此章功愈大心愈小其所以受福之多者豈不宜乎

古語聲急

而然也後放此

○兕

徐履反

觥

古橫反

其觥

音求

旨酒思柔彼交匪敖

五報反

萬

福來求

賦也兕觥爵也觥角上曲貌

輯錄嚴氏曰其角上曲設之所以為酒戒也

旨美也思語詞也教傲通交際之間無所傲慢則我

無事於求福而福反來求我矣

柔和也觥酒美如此慈惠至矣然必其

不做而後萬福來求也此即今日之燕飲言之而兩章皆以頌禱之詞寓戒教之意

桑扈四章章四句

一章祝以福二章祝以功有

能怙寵而驕慢生

故後兩章皆以敬為受福之本○增釋許氏曰此上以謙虛逮下之意

盈溢於言辭之間

太平盛世之詩也

鴛鴦于飛畢之羅之君子萬年福祿宜

叶牛之何反

興也鴛鴦匹鳥也

止則相偶
飛則為雙

畢小罔長柄者也羅罔

也

輯錄畢則執以掩
物羅則張以待鳥

君子指天子也○此諸侯所以

答桑扈也鴛鴦于飛則畢之羅之矣

戈不射宿故待
其飛而後畢羅

之君子萬年則福祿宜之矣

鴛鴦于飛既畢之又羅
之君子萬年既宜福又

宜祿二者皆有不
一而足之意故以為興

亦頌禱之詞也

○鴛鴦在梁戢其左翼君子萬年宜其遐福

叶筆
力反

興也石絕水為梁戢斂也張子曰禽鳥並棲一正一

倒戢其左翼以相依於內舒其右翼以防患於外蓋

左不用而右便故也遐遠也久也

此承首章之語以爲興無義也與伐

木第二
章同例

○乘

繩證反

馬在廐

音救

推

采卧反

之秣

音末叶莫佩反

之君子萬年

福祿艾

魚蓋反叶魚肺反

之

興也推莖秣粟

斬芻曰推輯錄莖與推同說文曰食馬穀也

艾養也蘇氏

曰艾老也言以福祿終其身也亦通○乘馬在廐則

推之秣之矣君子萬年則福祿艾之矣

此與下章起興與首章同

○乘馬在廐秣之推

叶祖爲采卧二反

之君子萬年福祿綏

叶宣

佳士果之

興也綏安也

鴛鴦四章章四句

桑扈以君禱臣故頌禱之餘
致戒敕此以臣祝君惟反覆

頌禱不敢擬議
其德敬之至也

有頍

缺婢反

者弁實維伊何爾酒既旨爾殽既嘉

叶居反

豈

伊異人兄弟匪他

湯何反

薦

音鳥

與女蘿

力多反

施

以鼓反

于松

柏

叶通莫反

未見君子憂心奕奕

叶代灼反

既見君子庶幾說

音悅

懌

叶代灼反

賦而興又比也

諸本脫興又二字

頽弁貌或曰舉首貌弁皮

弁

皮弁上下通服與燕之人皆可服也輯錄弁者冠之大名爵弁則士祭服韋弁即戎冠弁從禽非常

服也惟皮弁上下通服故知皮弁也

增釋鄱陽張

氏曰後漢輿服志古者有冠無幘其戴也加首有頽

所以安物故詩曰有頽者弁此之謂也

嘉旨皆美也匪他非他人也蕩

寄生也葉似當盧子如覆盆子赤黑甜美

輯錄本草曰一名窩

木凡桑榭樹樺柳楊楓等樹上皆有之此物自感造化之氣而生別是一物也

女蘿兔絲也

蔓連草上黃赤如金

輯錄釋文曰在草曰兔絲在木曰松蘿

此則比也

君子兄弟為賓者也奕奕憂心無所薄也

薄附也

○此

亦燕兄弟親戚之詩

此於兄弟之下添親戚二字蓋本於末章兄弟甥舅而言然母

姑姊妹妻族則內外兄弟之屬爾非兄弟自兄弟親戚自親戚也輯錄儀禮舅之子內兄弟也姑之子外

兄弟也故言有頍者弁實維伊何乎爾酒既旨爾殽既

嘉則豈伊異人乎乃兄弟而匪他也

輔氏曰有頍者弁本言與燕者

其弁頍然爾賦體也而實維伊何又以呼豈伊異人兄弟匪他二句則興矣

又言薦藿施

于木上以比兄弟親戚纏綿依附之意

松柏薦藿異根同植兄弟

親戚以異姓為骨肉蓋若此矣是以未見而憂既見而喜也

○有頍者弁實維何期爾酒既旨爾殽既時豈伊異人

兄弟具來

叶陵之反

薦與女蘿施于松上

叶時亮反

未見君子憂

心忉忉

兵命反叶兵旺反

既見君子庶幾有臧

叶才浪反

賦而興又比也何期猶伊何也

期語助詞也輯錄期當音基

時善

輯錄輔氏曰蓋物得其時則善矣與維其時矣之時同

具俱也忉忉憂盛滿也

臧善也

○有頍者弁實維在首爾酒既旨爾殽既阜

方九反

豈伊

異人兄弟甥舅

巨九反

如彼雨

于付反

雪先集維霰

蘇薦反

死

喪

去聲

無日無幾

居宜反

相見樂

洛音

酒今夕君子維宴

賦而興又比也阜猶多也甥舅謂母姑姊妹妻族也

兄弟甥舅者甥舅之兄弟也詩人語倒如此輯錄爾雅母與妻之黨為兄弟姑之子為甥舅之子為甥妻之弟弟為甥姊妹之夫為甥注四人體敵故更相為甥甥猶生也弟音昆霰雪之始凝者

也將大雨雪必先微溫雪自上下遇溫氣而搏謂之

霰

博音國縮也雪暫融而即結則為霰輯錄大戴禮曾子曰陽之專氣為霰蓋盛陰之氣在雨水則凝

滯而為雪陽氣薄而脅之不相入則消散而下因水而為霰是霰由陽氣所薄而為之故言遇溫氣而搏也

久而寒勝則大雪矣言霰集則將雪之候以比老

至則將死之徵也故卒言死喪無日不能久相見矣

但當樂飲以盡今夕之歡篤親戚之意也

輯錄解頤曰推親親

之恩由兄弟以及甥舅亦見親疎之殺也蓋君子之於兄弟親戚其相與之情無窮而相見之日有限以無窮之情乘有限之日則其飲食聚會亦真情之所不能已也

類弁三章章十二句

一章二章盡其情三章勸以燕樂而盡其情

間闕車之牽

胡皓下介二反

兮思變

力究反

季女逝

石列石例二反

兮匪

飢匪渴德音來括雖無好友

叶羽己反

式燕且喜

賦也間闕設鞀聲也牽車軸頭鐵也無事則脫行則

設之昏禮親迎者乘車變美貌逝往括會也○此燕

樂其新昏之詩故言間關然設此車牽者蓋思彼嬖

然之季女故乘此車往而迎之也匪飢也匪渴也望

其德音來括而心如飢渴耳雖無他人

輯錄輔氏曰雖無好友朋

友亦以義合者

亦當宴飲以相喜樂也

望其德音來括則以賢配賢雖樂而不失

其正矣

○依彼平林有集維鷖

音鷖

辰彼碩女令德來教

叶居反

式

燕且譽好

呼報反

爾無射

音亦叶都故反

興也依茂木貌鷖雉也微小於翟走而且鳴其尾長

肉甚美

輯錄爾雅諸雉有鷓鴣即鷓鴣也其音鷓鴣然色如雌雉尾如雄尾而長頭上有肉冠冠

上莖毛數寸埤雅雉之健者為鷓尾長四尺

辰時

時美也或曰及其可嫁之時也

碩大也

爾即季女也射厭也○依彼平林則有集維鷓鴣辰彼

碩女則以令德來配已而教誨之

鷓來集林女來教已皆可喜者而又

以二彼字相應故為興也

是以式燕且譽而悅慕之無厭也

上言德音

聞其有是德也此言令德則見其實有此德矣故疊燕喜之意而申以無射云○上章是往迎之時此下

三章則既

至之時也

○雖無旨酒式飲庶幾雖無嘉殽式食庶幾雖無德與

女

音汝

式歌且舞

賦也旨嘉皆美也汝亦指季女也○言我雖無旨酒

嘉穀美德以與女女亦當飲食歌舞以相樂也

上言德音

今德此言無德與女蓋美其新婚而謙以承之也故又冀其飲食歌舞以答燕喜燕譽之意也

○陟彼高岡析

星厯反

其柞

才洛反

薪

叶音哀

析其柞薪其葉

潄

思呂反

兮鮮

息淺反

我覯爾我心寫

叶想羽反

兮

興也陟登柞櫟潄盛鮮少覯見也

鮮我覯爾猶言難得見爾也

陟岡而析薪則其葉潄兮矣我得見爾則我心寫兮

矣託言因有所事而見可喜之物遂以可喜之物為喜見新婚之興也見柞葉之渾然已可喜況得見

此今德之新婚耶喜可知矣此章又中燕喜燕譽之意而有加焉者也

○高山仰

叶五剛反

止景行行

叶戶郎反

止四牡騑騑

孚非反

六轡

如琴觀爾新昏以慰我心

興也仰瞻望也景行大道也如琴謂六轡調和如琴

瑟也慰安也○高山則可仰景行則可行馬服御良

則可以迎季女而慰我心也

此以為所可為之意而為興

此又舉

其始終而言也

四牡騑騑是往迎之初觀爾慰心是成禮之後故曰舉其始終而言總結

以上四章之意也

表記曰小雅曰高山仰止景行行止子曰

詩之好仁如此鄉

音向

道而行中道而廢

輯錄表記注廢喻力極罷

頓不能復行則止也

忘身之老也不知年數之不足也

人老則方來之

日少故曰年數不足

俛焉日有孳孳

輯錄陳氏曰俛焉無他顧之意孳孳勤勉之貌斃

而後已

既鄉道而行矣可中道而廢乎是以不能自已也意謂山必陟巔道必涉巒學必至于極

然後止此非詩之本意也推廣而為學者言之耳

車牽五章章六句

一章言望其來會故得之甚喜也二章言得其來教故好

之無厭也三章言爾之與我當然四章言我之與爾又然五章則又總而言之故曰慰我

心也夫以變然之季女而有德音令德如此則君子之樂以為配也宜哉輯錄解順曰正小雅有鹿鳴以燕羣臣有常棣以燕兄弟有伐木以燕朋友而獨夫婦缺焉則此詩雖燕樂新昏之詩其亦昏禮上下通用之樂也與

營營青蠅止于樊

音煩叶
汾乾反

豈弟君子無信讒言

比也營營往來飛聲亂人聽也青蠅汙穢能變白黑

輯錄許氏曰營營者青蠅之聲也變白黑者青蠅之性也見其飛之營營則知其必變白黑矣聽小人之讒則知其亂是非矣傳上言亂人聽下言變白黑意蓋如此○增釋吳師道曰以營營比讒言故此章為比而下二章為興若謂變黑為白此恐求之太過變白黑者不過汙白使黑不必於變字深求也若止其

聲亂聽雖切於此而失變亂是非之義莫若從
毛訓則聲之亂聽穢汙之變亂敗物皆具于中樊藩

也君子謂王也○詩人以王好聽讒言故以青蠅飛

聲比之而戒王以勿聽也

往來亂人聽者蠅聲也讒言之反覆惑人有若此矣

其可聽而信之乎

○營營青蠅止于棘讒人罔極交亂四國

叶越逼反

興也棘所以為藩也極猶已也

青蠅有所止讒人則無極此反其意以為

興也

○營營青蠅止于榛

士巾反

讒人罔極構

古豆反

我二人

興也

輯錄榛木叢生也

構合也猶交亂也已與聽者為二人

青蠅三章章四句

輔氏曰一章直以蠅聲比讒言而戒王以弗聽也二章三

章以蠅止棘榛興讒人之罔極也亂四國者推言其終構二人者指言其實愚謂首章為

比則重在營營二字後二章為興則重在止字

賓之初筵左右秩秩

無韻未詳後三四章放此

籩豆有楚殽

戶交反

核

戶革反

維旅酒既和旨飲酒孔偕

音皆叶舉里反

鐘鼓既設

叶書質反

舉醕

市由反

逸逸大侯既抗

叶居郎反

弓矢斯張射夫既同獻

爾發功發彼有的

叶丁

祈爾爵

樂反

賦也初筵初即席也

輯錄孔疏鋪陳曰筵藉之曰席

左右筵之左右

也秩秩有序也

輯錄言其坐次之有序也

楚列貌殷豆實也核籩

實也

輯錄鄭氏曰豆實菹醢也籩實桃梅之屬

旅陳也和旨調美也孔甚

也偕齊一也

輯錄鐘鼓舉其大者

設宿設而又遷于下也大射

樂人宿縣

平聲○宿縣者隔宿縣其鐘磬也輯錄見儀禮大射儀燕禮曰樂人縣注云國君無

故不徹縣言縣者為燕設之

厥明將射乃遷樂于下以避射位是

也

輯錄鄉射禮云樂正命遷樂于下注云當辟射也

舉醕舉所奠之醕爵也

飲酒獻酢畢主人飲醕爵及賓賓受而奠之不舉至旅乃舉之輯錄燕禮工歌之後笙奏之前而為大

夫舉旅大射至三射輯錄通釋曰逸逸往來有序也往來者東西

之後乃為大夫舉旅交錯大侯君侯也天子熊侯白質諸侯麋侯赤質大

也夫布侯畫以虎豹士布侯畫以鹿豕

輯錄鄉射禮注云鄉射及賓射

當張采侯二正而記此者天子諸侯之燕射各以鄉射之禮而張此侯由是云焉燕禮云若射則大射正為可射如鄉射之禮射人職云天子以下燕射尊卑皆用一侯禮注侯射布也天子中之能服諸侯卑者中之得為諸侯大射儀疏云畿外諸侯亦用三侯其數上同于天子故為熊侯加大以別之然不得用虎侯而以熊侯參侯干侯為三侯若畿內則但有熊侯豹侯此其所以別也參讀為穆離也離侯者豹鵠而麋飾下同于大夫也干讀為豸豸侯者豸鵠豸飾也司裘云卿大夫則共麋侯士卑無臣故祭不得射也

天子侯身一丈其中三分居一白質畫熊其外則丹

地畫以雲氣

傳引大射宿縣之事又引燕射獸侯之制二說互用宜詳輯錄朱子曰按周禮

梓人有皮侯采侯獸侯其曰張皮侯而棲鵠者天子大射三侯用虎豹熊皮飾侯之側而畫以五采之雲氣號曰皮侯而又各以其皮為鵠縱之中央似鳥之棲故謂之棲鵠其曰五采之侯者賓射之侯也正之方外如鵠亦三分其侯而居之中二尺畫朱其外次白次蒼次黃次黑充其尺寸使大如鵠而亦畫其側為五采雲氣三正之侯則去玄黃二正之侯則去青白直以朱綠也射儀注所謂畫布曰正棲皮曰鵠是也其曰獸侯則燕射之侯也蓋用布而畫獸頭於正鵠之處故名獸侯天子諸侯則以白土赤土塗其布以為質士則用布而不塗其側所畫雲氣采色之數則亦如采侯之差等也大射儀疏云侯之廣狹取度

於侯道大侯道九十弓方取二寸二九十八侯中丈
八尺三分其侯如鵠居一故知鵠六尺也以此推之
則參侯道七十弓中大四尺鵠方四尺六寸太半寸
干侯道五十弓中一大鵠方三尺三寸少半寸天子
大射虎侯熊侯豹侯賓射五正三正二正之侯皆同
周禮梓人為侯廣與崇方參分其廣而鵠居一焉是
也疏云燕射天子以下其侯道同五十弓崇廣方一
丈也按鄉射禮注云侯道五十弓中十尺用布五丈
幅廣二尺二寸旁削一寸即梓人為侯廣與崇方謂
中也倍中以為射謂中之上下幅用布各二丈也倍
射以為左右舌謂上个也居兩旁謂之个左右出謂
之舌也下舌半上舌謂半其出於躬者也用布二丈
所以半上舌者侯人之形類也上个象臂下个象足
中人張臂八尺張足六尺五八四十五六三十也凡
鄉侯用布十六丈數起侯道五十弓以計道七十弓
之侯用布二十五丈二尺道九十弓之侯用布三十

六抗張也凡射張侯而不繫左下網中掩束之

侯必北而

其西方謂之左輯錄注云網持舌繩也

至將射司馬命張侯弟子脫束

遂繫下網也大侯張而弓矢亦張節也射夫既同比

毗至反

其耦也

輯錄注云比選次其才相近者也

射禮選羣臣為三耦

三耦之外其餘各自取匹謂之衆耦

輯錄大射儀疏云天子大射賓

射六耦一侯畿內諸侯則二侯四耦畿外諸侯大射

賓射皆三侯三耦但畿內畿外各有一仲一屈也若

燕射則天子諸侯列同三耦一侯而已以

其燕私屈也若卿大夫士列同一侯三耦獻猶奏也

發發矢也的質也

輯錄孔疏侯中所射之處為質也

祈求也爵射不

中者飲豐上之解

音解

解罰爵也豐所以承罰爵形似豆而卑輯錄豐設于西楹

之西

○衛武公飲酒悔過而作此詩此章言因射而飲

者初筵禮儀之盛

賓筵之射為大射行葦之射為燕射

酒既調美而飲

者齊一至於設鐘鼓舉醵爵抗大侯張弓矢而衆耦

拾

更入聲

發

拾其業反更也射者與其耦更迭而發矢也

各心競

競強也其心各欲自

勉以求勝也

云我以此求爵汝也

射不可以不中發的求爾爵若有爭心而爭以

辭爵則君子之爭也蘇氏曰先王將祭必先大射以擇士將射必先行燕禮既安賓然後改縣以避射既旅然後張侯及弓既耦然後拾發求勝以爵不勝者愚謂將射之時禮節詳明人心勉飭如此其飲酒者所

以正威儀也寧至於亂哉輯錄按疏義以此為大射
通釋以此為燕射與集傳不能無疑故詳引而錄之
竊意此章之旨但言因射而飲之有禮
節耳似不必拘為某射也未知然否

○箏舞笙鼓樂既和奏

叶宗反

烝衍

叶苦旦反

烈祖以洽百禮

百禮既至有壬有林錫爾純嘏子孫其湛

都南反叶持林反

其

湛曰樂

音洛

各奏爾能

叶奴金反

賓載手仇

音拘叶求其二音

室人入

又

叶由怡二音

酌彼康爵以奏爾時

叶酬時二音

賦也箏舞文舞也

毛氏曰秉箏而舞與笙鼓相應劉氏曰言文舞則武舞見矣言笙鼓

則八音舉矣

烝進行樂烈業洽合也百禮言其備也壬大

林盛也言禮之盛大也

百禮事神之衆禮也上言樂備此言禮備

錫神錫

之也爾主祭者也嘏福湛樂也

祭祀之時子孫湛樂即祖宗所賜之福也

各奏爾能謂子孫各酌獻尸尸酢而卒爵也仇讀曰

斟

音

室人有室中之事者謂佐食也

孔疏云佐食實佐尸食者也於

賓客之中取人令佐主

又復

去聲也賓手挹酒室人復

酌

諸本作復爵誤

為加爵也

祭祀三獻尸之後長兄弟及衆賓長皆為加爵蓋三獻而禮成

又多之是加爵也詳見楚茨三章注

康安也酒所以安體也或曰康讀

曰抗記曰崇拈康

音

主崇高也康舉也為高拈受賓之圭舉於其上也出明堂位

此亦謂玷上之爵也時時祭也蘇氏曰時物也○此

言因祭而飲者始時禮樂之盛如此也

劉氏曰因射而飲者飲在

射先因祭而飲者飲在祭後愚謂祭祀之時禮樂兼備人心歡樂如此其飲酒者所以交神明也寧至於

亂哉

○以上二章言飲酒

之盡善者是可為法者也

○賓之初筵溫溫其恭其未醉止威儀反反叶分曰既

醉止威儀幡幡

叶分

舍

音捨

其坐遷屢舞僂僂其未醉止

威儀抑抑曰既醉止威儀忼忼

叶必反

是曰既醉不知其

秩

賦也

輯錄溫溫其恭氣和而貌恭也

反反顧禮也幡幡輕數

音朔下同

也

遷徙

輯錄捨其坐席而遷徙不定也

屢數也僂僂軒舉之狀抑抑慎

密也

輯錄謂慎禮而密靜

怩怩嫫

音薛嫫

嫫

音慢也輯錄謂狎習而侮易

秩常也

○此言凡飲酒者常始乎治而卒乎亂也

此與下章陳飲酒之

失

○賓既醉止載號

乎毛反

載嘏

女交反

亂我籩豆屢舞僛僛

起其反

是曰既醉不知其郵

叶于其反

側弁之俄屢舞僛僛

音婁

既醉而出並受其福

叶筆力反

醉而不出是謂伐德飲酒孔

嘉

叶居何反

維其令儀

叶牛何反

賦也號呼歟謹也

輯錄唱叫也

傲傲傾側之狀郵與尤同

過也側傾也俄傾貌傴僂不止也出去伐害孔甚令

善也○此章極言醉者之狀

輯錄比前章之失則又甚矣

因言賓

醉而出則與主人俱有美譽醉至若此是害其德也

飲酒之所以甚美者以其有令儀爾今若此則無復

有儀矣

○凡此飲酒或醉或否

叶補美反

既立之監或佐之史彼醉

不臧不醉反恥式勿從謂無伴大

音泰

怠

叶養里反

匪言勿言

匪由勿語由醉之言伴出童殺

音古

三爵不識

叶失志二音

矧

矢引反

敢多又

叶夷益夷歧二反

賦也監史司正之屬燕禮鄉射恐有解

音懈

倦失禮者

立司正以監之察儀法也

飲酒之時以射時司馬為司正

謂告由從

也童殺無角之殺羊必無之物也

輯錄毛傳殺羊不童也

識記

也○言飲酒者或醉或不醉故既立監而佐之以史

佐之以史者史又所以佐監也○增釋嚴氏曰監以正其禮史以書其過則彼醉者所為

不善而不自知使不醉者反為去聲之羞愧也安得從

而告之使勿至於大怠也

無俾大怠此詩之要也飲酒之德敬而已敬則反反

抑抑而有令儀矣懈怠一生心放形情則昏莫之知而伐德必矣故小宛大夫以壹醉日富為戒而必歸之意相發也正與告之若曰所不當言者勿言所不當

從者勿語

輯錄輔氏曰此應前章號呼謹歎而云也言自言也語與人語也苟不可從則豈可

語人哉醉而妄言則將罰汝使出童殺矣設言必無之

物以恐之也女飲至三爵已昏然無所記矣

輯錄玉藻曰君

子之飲酒也受一爵而色洒如也二爵而言言斯禮已三爵而油油已退陳氏曰洒先典反禮度明肅之

貌言與問同意氣和悅之貌
已止也油油謹重自得之貌

况敢又多飲乎又丁寧

以戒之也

此章專陳
教戒之辭

賓之初筵五章章十四句

增釋許氏曰傳謂一章言因射而飲二章

言因祭而飲是言古飲酒之禮也三章以下則今飲酒之失也又言飲而未醉則威儀中適醉而不止則喪敗其威儀四章言飲當止而戒其謹威儀五章言飲不可至醉而戒其謹言語

毛氏序曰衛武公刺幽王也韓氏序曰衛武

公飲酒悔過也今按此詩意與大雅抑戒相

類

輯錄通釋曰此詩之意欲以自警抑詩之意亦以自警也此詩之意恐醉酒而伐德

猶抑詩所謂顛覆厥德荒湛于酒也此詩之意反覆以威儀為言猶抑詩言抑抑威儀敬慎威儀敬爾威儀不愆于儀也此詩言載號載歎勿言勿語之意猶抑詩言慎爾出話無易由言也以此詩有童毀之語抑詩亦有彼童而角之喻其語意多相類也然抑詩凡言女言爾集傳以為武公使誦詩者命已之詞今按此詩凡言賓言爾者恐亦武公自謂也

必武公自悔之作當從韓義

輯錄通釋曰酒誥言謹酒

之意以為酒之為禍內則喪人之德外則喪人威儀謹酒之要亦惟致力於二者而已故此詩言德者一而言威儀者五酒誥言德者八而言威儀者一詳言可互相備矣武公此

詩其真有所得於武
王康叔之家法歟

魚在在藻有頌

符云反

其首王在在鎬豈

苦在反

樂音洛飲酒

興也藻水草也頌大首貌豈亦樂也○此天子燕諸

侯而諸侯美天子之詩也言魚何在乎在乎藻也則

有頌其首矣王何在乎在乎鎬京也則豈樂飲酒矣

此以樂得其所為興而語勢又相應也○增釋許氏
曰豈樂飲酒飲酒樂豈因易韻以反覆其辭然其意
亦疑有異此章樂而飲酒樂四方諸侯賓服
也下章飲酒而樂樂禮儀既備人情洽和也

○魚在在藻有草

所中反

其尾王在在鎬飲酒樂豈

叶去幾反

興也葦長也

○魚在在藻依于其蒲王在在鎬有那

乃多反

其居

興也那安居處也

輔氏曰此詩與鴛鴦相似不頌其德者不敢形容敬之至也但其

樂飲安居如此則非德之盛者不能矣愚謂豈樂者非以飲酒為樂也心無私己之累時無四方之虞所謂樂以天下者頌其福而德在其中矣

魚藻三章章四句

豈樂樂豈以魚之首尾為次第有那其居則不特飲酒之

際身其樂蓋無時而不樂矣

采芣采芣筐

音匡

之筐

音舉

之君子來朝

音潮

何錫子

音與

之雖

無子之路車乘

緇證反

馬

叶滿補反

又何予之玄衮

古本反

及黼

甫音

興也菽大豆也君子諸侯也路車金路以賜同姓象

路以賜異姓也

輯錄春官巾車王五路金路見采芑象路注以象齒為飾王子母弟王之

甥舅出封為侯伯則以賜之

玄衮玄衣而畫以卷

音衮

龍也

輯錄衮是龍之

也黼如斧形刺

七亦反

之於裳也周制諸公衮冕九章

已見九罍篇

輯錄衮冕纁九就前後九旒旒九玉纁三采朱白蒼下同就成也以一玉為一

成結之使不相并也每玉相去一寸

侯伯鷩

音鷩

冕七章則自華蟲以下

鷩雉也衣首華蟲而戴冕故曰鷩冕華蟲大宗彝書
於衣藻粉米黼黻繡於裳輯錄鷩冕繅七就前後七

旒旒

子男毳

尺鏡

冕五章衣自宗彝以下而裳黼黻

七玉

毳屬衣也服爵衣而戴冕也輯錄

孤卿

公之孤大國

毳冕繅五就前後各五旒旒五玉

之卿輯錄蔡

氏曰孤特也三少雖三公

緇

冕三章則衣粉米

之貳而非其屬官故曰孤

反

而裳黼黻

也繡也衣不繡上下皆繡服繡衣而戴冕

旒四玉大國之卿繅三就前後各三旒旒三玉與大

夫同玄冕見春官司服與儀禮旁通圖與集傳不同

當大夫玄冕則玄衣黻裳而已

衣無文服玄衣而戴冕也○凡衣皆玄色

詳上言玄裳下言黼則鷩毳緇皆在其中矣輯錄五服

皆玄衣纁裳玄冕再命之大夫纁再就一命之大夫

繅一 ○此天子所以答魚藻也采菽采菽則必以筐就

筥盛之

菽葉可為銅羹故采之以為祭祀之用祭欲其潔不以筐筥盛之不可也觀采蘋之詩所

云可見

君子來朝則必有以錫予之

此以處物處人各有其道為典也所

以處物者有道矣可以處賢臣而無其道乎言此為擬議之端

又言今雖無以予之

然已有路車乘馬玄衮及黼之賜矣其言如此者好

之無已意猶以為薄也

此於迎來之時而議選往之禮正欲盡其處之道也雖

然未賜而已有所賜之物矣猶且反覆擬議若未有以處之蓋禮有數而意無窮也故三章至五章皆足

此意

○感音必沸音弗檻胡覽反泉叶才反言采其芹巨斤反君子來朝

言觀其旂巨依反叶其旂淠淠匹弊反鸞聲嘒嘒呼惠反載

駟七南反載駟君子所屆叶居反

興也感沸泉出貌檻泉正出也輯錄正出芹水草可

食輯錄水英爾雅謂之水葵水葵一名淠淠動貌嘒嘒聲也屆至

也○感沸檻泉則言采其芹諸侯來朝則言觀其旂

此以言字其見其旂聞其鸞聲又見其馬則知君子

之至於此也此章應君子來朝一句以下三章應何錫子之一句

○赤芾

音弗

在股邪幅在下

叶後反

彼交匪紆

音舒叶上與反

天子

所子

音與

樂

音洛

只

音止

君子天子命

叶彌反

之樂只君子福祿

申之

賦也脰本曰股邪幅偏也

偏音逼取脰束之義

邪纏於足如今

行滕所以束脰在股下也

諸侯來朝各備其服但自再命以上皆赤芾舉芾偏

所以見其餘也輯錄鄭氏曰偏束其脰自足至膝故曰在下

交交際也紆緩也○

言諸侯服此芾偏見于天子恭敬齊

音齊二音

邈不敢紆

緩

輯錄齊如夔夔齊慄之齊邈者謹而不放之謂

則為天子所與而申之以

福祿也

盛服以自飾小心以上交而得君心所許子諸侯之可喜如此寧不多受福祿乎有以錫

予之蓋必然矣有許予之心斯有錫予之實詩人是以反覆其詞也

○維柞之枝其葉蓬蓬樂只君子殿

多見反

天子之邦

卜叶

工反樂只君子萬福攸同平平

牌延反

左右亦是率從

興也柞見車牽篇蓬蓬盛貌殿鎮也平平辨治也

度服

曰平平辨治不絕之貌愚謂平平訓辨治辨治訓不絕則是整齊聯屬而無盡言其多也左氏引此作便

著亦是此意

左右諸侯之臣也率循也

循猶依也

○維柞之枝

則其葉蓬蓬然樂只君子則宜殿天子之邦而為萬

福之所聚

此以柞葉之盛興君子受福之威

又言其左右之臣亦從

之而至此也

諸侯之可喜如此寧不以其安定國家之功而備受福祿乎且其左右之臣又

皆協心以求朝有以錫予之又必然矣

○汎汎

芳劍反

楊舟

音弗纚力馳反

維之樂只君子天子葵

之樂只君子福祿

頻尸反

之優哉游哉亦是戾

叶郎反

矣

興也

音律索也

也纚維皆繫也言以大索纚其舟而

繫之也葵揆也揆猶度也脆厚戾至也○汎汎楊舟

則必以紼纚維之樂只君子則天子必葵之福祿必

脆之

舟之不定者必纜之又維之諸侯之可喜者必深察之又厚遇之其不一而足之意皆必然也

於是又歎其優游而至於此也

諸侯之可喜如此寧不深荷天子之知遇

乎且其優游如此無愧怍不寧之心有以錫予之又必然矣

采菽五章章八句

一章迎來二章始至三章入見四章五章則既朝之後也

○增釋許氏曰首章總言其來朝二三章叙

車馬衣服之盛四五章則頌之也一章車馬

衣黼封時所命者也二章車旂和鸞今所乘

而來者也三章則言謹其禮服肅其儀度而

天子予之予之猶言稱許之也既與之則復

命之而申其福祿矣四章言柞之有餘而有

枝則其榮蓬蓬然是猶天子之有諸侯也故

此可樂之君子則為天子鎮守邦國之臣而

萬福之所同集君既忠其上則左右之人亦
平平相率而從其君矣又言汎汎揚舟則以
紉而纒維之可樂之君子則天子必揆度而
厚其福祿則其度優游於是為至矣後兩章
皆期望以慰其心誘掖以堅其志也屢言天
子者非天子所自言主於歌者而言之也

駢駢

息營反

角弓翩

匹然反

其反

叶分

矣兄弟婚姻無胥遠

叶於
圓反矣

興也駢駢弓調和貌角弓以角飾弓也

為弓之材所用共有六者

幹角筋膠絲漆也

翩反貌弓之為物張之則內向而來弛之

則外反而去有似兄弟婚姻親疎遠近之意胥相也

○此刺王不親九族

輯錄陳大猷曰角弓刺王不親九族曰兄弟昏姻類弁曰兄弟

甥舅則知兄弟者父族也昏姻甥舅母妻族也父族四者只是親與從及再從三從兄弟叔伯如此母族三者則母之父族母族及姊妹族也妻族二則妻之父族母族也○按父族有四者父本族一姑夫二姊妹夫三女夫四與陳氏說不同而好去聲讒佞使宗族相怨之詩言驛

驛角弓既翩然而反矣兄弟婚姻則豈可以相遠哉

角弓可反而兄弟婚姻不可遠此以嚮背之意相反為興

○爾之遠

同上

矣民胥然矣爾之教矣民胥傲矣

賦也爾王也上之所為下必有甚者

此章正刺王以惡德化其下也

此令兄弟綽綽有裕

預與二音

不令兄弟交相為瘡

同上

賦也令善綽寬裕饒瘡病也○言雖王化之不善然

此善兄弟則綽綽有裕而不變彼不善之兄弟則由

此而交相病矣蓋指讒已之人而言也

此下三章刺相讒相怨之

人

○民之無良相怨一方受爵不讓

叶如羊反

至于已斯亡

賦也一方彼一方也○相怨者各據其一方耳

一方者私

已所見非大同之道也輯錄王氏曰民喪其良心不參彼已之曲直也

若以責人之心

責已愛已之心愛人使彼己之間交見而無蔽

此則合四

方為一而廓然矣

則豈有相怨者哉況兄弟相怨相讒以取

爵位而不知遜讓終亦必亡而已矣

已斯亡者亡而後已也語例如此

○老馬反為駒

叶去聲

不顧其後

叶下故反

如食

音嗣

宜餽

於據反

如酌孔取

叶音娶

比也餽飽孔甚也○言其但知讒害人以取爵位而

不知其不勝

平聲

任如老馬憊

蒲拜反

矣

輯錄疲極曰憊

而反自

以為駒不顧其後將有不勝任之患也又如食之已

多而宜飽矣酌之所取亦已甚矣

此章比喻凡三節所以終受爵不讓

之意

○母教獠升木如塗塗附君子有微猷小人與屬

音蜀叶殊

遇反

比也獠獠猴也性善升木不待教而能也塗泥附著

徽美猷道屬附也○言小人骨肉之恩本薄王又好

讒佞以來之是猶教獠升木又如於泥塗之上加以

泥塗附之也苟王有美道則小人將反為善以附之

輯錄通釋曰所謂上老老而民興孝上長長而民興弟上恤孤而民不倍其機蓋如此

不至於

如此矣

上二句戒王勿如彼下二句戒王當如此○輯錄胡庭芳曰毋教云者申二章爾教之義

而禁止之也君子小人以位言劉執中曰小人樂於不善今王又疎薄骨肉以倡之是教孫升木也小人樂於不善而王又益之以不善之教是以塗塗附其堅且相著不可脫矣非所以為上之道也故陳為上之道曰君子有徽猷小人與屬也先王有至德要道民用和睦正其五品為之孝友是之謂徽猷

○雨

于付反

雪漉漉

符驕反

見覲

乃見反

曰

音越韓詩劉向作聿下章於此

消

莫肯下

遐稼反

遺式居婁

力柱反荀子作屢

驕

比也。漣漣盛貌。見日氣也。張子曰：「讒言遇明者當自

止而王甘信之，不肯貶下而遺棄之。

貶下遺棄，斥遠之也。更平聲

益以長慢也。

上聲。式居屢驕使小人以驕慢自處者，不一也。慢則讒愈甚矣。○此章刺王信

讒以長惡人也。

○雨雪浮浮，見覲曰流如蠻如髦。

叶莫侯反。我是用憂。

比也。浮浮猶漣漣也。流流而去也。蠻南蠻也。髦夷髦

也。書作髦。

輯錄箋云：髦，西夷別名。二字同莫侯反。

言其無禮義而相殘

賊也。

此章刺王信，讒以長惡俗也。

角弓八章章四句

首章據理而正言之二章判

六章七章八章又判王○增釋許氏曰前四章判不親九族後四章判好讒佞二章二民字所指微有不同上民字即兄弟昏姻也下民謂衆民也王既遠其兄弟昏姻則彼亦如是而遠王矣王以薄德教其下則下民莫不倣倣皆各遠其兄弟昏姻矣然民之上智不可移故兄弟之令善者不變其質之不善者則又習於不善而交相為病矣四章謂民之不善也各持其一偏以相怨每不能存恕自反專以怨為己任為之而不疑若酬酢之受爵而不加遜讓怨人者人亦怨之怨之所歸禍之所集故至於身亡也五章言讒人顛倒是非固無所顧忌而王聽之無厭惟恐不言猶如食食之必宜於飽如酌之甚取其多則

讒者計行而愈有以增益其勢故下車有教
孫塗附之說也式居婁驕者謂用此以居之
則婁生其驕慢耳婁驕之
辭氣猶論語言屢增也

有苑

音鬱

者柳不尚息焉上帝甚蹈

戰國策作

上天其神

無自暱焉

俾予靖之後予極焉

比也柳茂木也尚庶幾也上帝指王也蹈當作神言

威靈可畏也暱近靖安也極求之盡也○王者暴虐

諸侯不朝而作此詩言彼有苑然茂盛之柳行路之

人豈不庶幾欲就止息乎以比人誰不欲朝事王者

而王甚威神使人畏之而不敢近耳使我朝而事之以靖王室後必將極其所欲以求於我蓋諸侯皆不

朝而已獨至則王必責之無已如齊威王朝周而後

反為所辱也

史記魯連傳周烈王時齊威王率天下諸侯朝周是時王室貧且微諸侯莫朝

而齊獨朝之歲餘烈王崩齊後往周怒赴於齊曰天崩地坼天子下席東藩之臣嬰齊後至則斷之解佩索隱曰下席言其寢苦居虛也

或曰興也下章放此

鬱陰之木可憩暴虐之王難親

則反其意以為興也

○有苑者柳不尚愒

欺例反

焉上帝甚蹈

見

無自瘵

側界反叶

子例焉戰國策

反作也

俾子靖之後子邁

叶力制反

焉

比也愒息療病也邁過也求之過其分也

○有鳥高飛亦傅

音附

于天

叶鐵因反

彼人之心于何其臻曷

子靖之居以凶矜

興也傅臻皆至也彼人斥王也居猶徒然也凶矜遭

凶禍而可憐也○鳥之高飛極至於天耳彼王之心

於何所極乎

鳥飛有所止王心則無極蓋以意相反而為興也與青蠅止棘之興同

言

其貪縱無極求責無已人不知其所至也如此則豈

予能靖之乎乃徒然自取凶矜耳

昌予靖之正以答
俾予靖之之語

菀柳三章章六句

始則慮其極欲以求於我終則
慮其過分以求於我終則

慮其貪欲無厭
而加禍於我也

桑扈之什四十三章二百八十二句

詩經疏義會通卷十四

欽定四庫全書

詩經疏義會通卷十五

元 朱公遷 撰

都人士之什二之八

彼都人士狐裘黃黃其容不改出言有章行歸于周萬

民所望

叶音
七

賦也都王都也黃黃狐裘色也不改有常也

如色溫
貌恭之

類

章文章也周鎬京也○亂離之後人不復見昔日

都邑之盛

謂之彼都人士則非
今此都邑之人矣

人物儀容之美

輯錄
輔氏

曰容則德之符也言則德之發也容言如此則其德可知

而作此詩以歎惜之也

○彼都人士臺笠緇撮

七治反叶租悅反

彼君子女綢

直留反

直

如髮

叶方月反

我不見兮我心不說

音悅

賦也臺夫

音扶須也

輯錄陸氏曰莎草也可以為蓑笠

緇撮緇布冠也

其制小僅可撮其髻也

輯錄王氏曰臺笠緇撮在野與衆皆作之服

君子

女都人貴家之女也綢直如髮未詳其義然以四章

五章推之亦言其髮之美耳

綢直言其多而不曲局也但如字不可曉耳或

云如字當作其字

○彼都人士充耳琇

音秀

實彼君子女謂之尹吉我不見

兮我心苑

音愠結叶繳質反

賦也琇美石也以美石為瑱尹吉未詳鄭氏曰吉讀

為姑

其入聲

尹氏姑氏周之昏姻舊姓也人見都人之

女咸謂尹氏姑氏之女言其有禮法也

輯錄王王導族謝謝安族氏周之舊族

也姑與周室為昏姻也世貴舊姓
昏連土室家風不替故有禮法也

李氏曰所謂尹吉

猶晉言王謝唐言崔盧也

輯錄王王導族謝謝安族上有太原琅琊二宗琅邪

為盛山東顯族土門崔
岡頭盧皆為時所稱也

苑猶屈也積也

○彼都人士垂帶而厲

叶落蓋反

彼君子女卷

音權

髮如蠆

初邁

反我不見兮言從之邁

賦也厲垂帶之貌卷髮鬢傍短髮不可斂者曲上卷

然以為飾也蠆螫

音釋

蟲也尾末捷

音虔

然

音舉

似髮

之曲上者邁行也蓋曰是不可得見也得見則我從

之邁矣思之甚也

○匪伊垂之帶則有餘匪伊卷之髮則有旗我不見兮

云何盱

喜俱反

矣

賦也旃揚也盱望也說見何人斯篇○此言士之帶
非故垂之也帶自有餘耳女之髮非故卷之也髮自
有餘耳言其自然間美不假修飾也然不可得而見
矣則如何而不望之乎

都人士五章章六句

一章專以男子言二章以後兼男子婦人言

終朝采綠不盈一匊

乃六反

子髮曲局薄言歸沐

賦也自旦及食時為終朝綠王芻也

輯錄爾雅鄭樵注蓋草亦名菜

薦

兩手曰掬局卷

音權

也猶言首如飛蓬也○婦人思

其君子而言終朝采綠而不盈一畝者思念之深不

專於事也又念其髮之曲局於是舍之而歸沐以待

其君子之還也

輯錄嚴氏曰葉易得之葉終朝采之而不滿兩手之掬憂思之心不在故

也婦人夫不在不為容飾髮久不櫛則曲局不舒展庶幾其夫之歸而沐望之之辭也

○終朝采藍

虛談反

不盈一檐

尺占反叶都甘反

五日為期六日

不簷

音占叶多甘反

賦也藍染皁也衣蔽前謂之檐即蔽膝也簷與瞻同

五日為期去時之約也六日不簷過期而不見也

○之子于狩

尺救反

言韮

勑亮反

其弓

叶姑弘反

之子于釣言綸

之繩

賦也之子謂其君子也理絲曰綸○言君子若歸而

欲往狩耶我則為之韮其弓欲往釣耶我則為之綸

其繩望之切思之深欲無往而不與之俱也

輯錄輔氏曰狩

而韮弓釣而綸繩本非婦人之事望之切思之深設言其如此以見其欲無往而不與之俱是雖夫婦之

正情然使其形於言焉則怨曠甚

○其釣維何維魴

音房

及鱣

音釀音香

維魴及鱣薄言觀者

叶掌
與反

賦也於其釣而有獲也又將從而觀之亦上章之意

也

輯錄孔疏上章魚有狩此偏言釣者因上章釣文在下接而申之

采綠四章章四句

一章及期而將歸二章過期而不歸三章四章言歸則與

之偕行偕止也預言之也

芄芄

蒲東反

黍苗陰雨膏

古報反

之悠悠南行召伯勞

力報反

之

興也芄芄長大貌悠悠遠行之意○宣王封申伯於

謝命召穆公往營城邑故將徒役南行而行者作此

言芄芄黍苗則唯陰雨能膏之悠悠南行則唯召伯

能勞之也

此因所見而取人物各有所天之意故以語相呼為興

○我任

音士

我輦

力展反

我車我牛

叶魚其反

我行既集蓋云歸

哉

叶將黎反

賦也任負任者也

輯錄疏謂器物人所負持

輦人輓

音晚

車也牛所

以駕大車也集成也營謝之役既成而歸也

以此下四章觀

之當是作於功

畢還歸之日

○我徒我御我師我旅我行既集蓋云歸處

賦也徒步行者御乘車者五百人為旅五旅為師春

秋傳曰君行師從卿行旅從

輯錄春秋定公四年衛祝鮀曰嘉好之事云云

○肅肅謝功召伯營之烈烈征師召伯成之

賦也肅肅嚴正之貌謝邑名申伯所封之國也在鄧

州信陽軍

輯錄今河南有鄧州及信陽縣是也

功工役之事也營治也

烈烈威武貌征行也

成者成其功也兵則武矣必召公督之而後功告成

原隰既平泉流既清召伯有成王心則寧

賦也土治

去聲

曰平水治曰清○言召伯營謝邑相

去聲

其原隰之宜通其水泉之利此功既成宣王之心則

安也

當時宣王以微申伯土田爲命故云然輯錄謝氏曰疆其土田事畢則原隰平矣治其溝洫事

畢則衆
流清矣

黍苗五章章四句

首章歸德於召公二章三章則城邑既成而徒役可歸也

四章歸功於召公五章則上田既治而王心可安也

此宣王時詩與大雅崧高相表裏

輯錄許氏曰上公則

下說蓋申伯誠有功於天下而封之誠當矣故民雖勞無怨而且樂道其事也其末章既

喜謝邑之平治頌召伯之成功而歸重於王
心之寧忘己之勞以奉其上惟欲得王心之
安爾此見忠實之
情太和之氣象也

隰桑有阿其葉有難

乃多反

既見君子其樂

音洛下同

如何

興也隰下濕之處宜桑者也阿美貌難盛貌皆言枝

葉條垂之狀○此喜見君子之詩言隰桑有阿則其

葉有難矣既見君子則其樂如何哉詞意大槩與菁

莪相類

此以可喜之物為喜見
君子之興也詳見菁莪

然所謂君子則不知

其何所指矣

變雅中之君子必非在朝有位之人然
詩無歎息招徠之意則又非桑而在野

者此則不可知也

或曰比也下章放此

以隰桑之阿難比君子容貌威儀之盛

○隰桑有阿其葉有沃

鳥酷反叶鬱縛反

既見君子云何不樂

興也沃光澤貌

以上二章言見君子而其心樂

○隰桑有阿其葉有幽

叶於交反

既見君子德音孔膠

音交

興也幽黑色也

桑極茂則綠深而似黑輯錄幽釋文於九反

膠固也

德音孔膠

言其德音之孚於人者無間也○此章見其可樂之實下章之誠愛亦本於此耳此章以可喜之物興可

喜之人比上

二章小異

○心乎愛矣

叶許既反

遐不謂矣中心藏之何日忘之

賦也遐與何同表記作瑕鄭氏註曰瑕之言胡也謂猶告也○言我中心誠愛君子而既見之則何不遂

以告之而但中心藏之將使何日而忘之邪

輯錄許氏曰詩

人自道其愛賢之意如此

楚辭所謂思公子兮未敢言

輯錄九歌注曰懼其

也意蓋如此愛之根於中者深故發之遲而存之久

也

此章極言既見之樂

隰桑四章章四句

喜樂之意反覆道之增釋吳師道曰一章具樂如何二

章云何不樂三章德音孔膠四章中心藏之何日忘之一節深一節

白華

音花

管

音姦

兮白茅束兮之子之遠俾我獨兮

比也白華野管也已漚

於候反清也

為管

輒錄孔疏漚之柔韌異其名謂

為管因謂在野未漚者為野管耳

之子斥幽王也俾使也我申后自

我也○幽王娶申女以為后又得褒姒而黜申后故

申后作此詩言白華為管則白茅為束二物至微猶

必相須為用何之子之遠而俾我獨耶

宜相得而反相遺可怨者

也輯錄朱子曰讀詩之法且如此章蓋言白華與茅尚能相依而我與子乃相去之遠何哉

○英英白雲露彼管茅

叶莫侯反

天步艱難之子不猶

比也英英輕明之貌白雲水土輕清之氣當夜而上
騰者也露即其散而下降者也步行也天步猶言時
運也猶圖也或曰猶如也○言雲之澤物無微不被
今時運艱難而之子不圖不如白雲之露管茅也

澤恩

宜降而不降
可怨者也

○澼

符彪反

池北流浸彼稻田

叶地因反

嘯歌傷懷念彼碩人

比也澼流貌北流豐鎬之間水多北流

輯錄澼當
易皮休反

碩

人尊大之稱亦謂幽王也○言小水微流尚能浸灌

王之尊大而反不能通其寵澤所以我嘯歌傷懷

而念之也

思澤宜通而不通
可怨又可思也

○樵

徂焦反

彼桑薪印

五綱反

烘

火東反

于熤

市林反

維彼碩人

實勞我心

比也樵采也桑薪薪之善者也印我烘燎也熤無釜

之竈可燎而不可烹飪者也

輯錄疏無釜之竈其上
燃火謂之烘本為此竈

止以燃火照物
若今火爐也

○桑薪宜以烹飪而但為燎燭以比

嫡后之尊而反見卑賤也

常以貴處我反以賤
待我可怨又可思也

○鼓鐘于宮聲聞

音問

于外念子懔懔

七到反

視我邁邁

比也懔懔憂貌邁邁不顧也○鼓鐘于宮則聲聞于

外矣

增釋金履祥曰宮中鼓鐘聲必外聞宮中嫡庶之亂外人豈不知哉

念子懔懔而

反視我邁邁何哉

情宜相通而不通如此可怨者也

○有鷺

音秋

在梁有鶴在林維彼碩人實勞我心

比也鷺雉鷺也

輯錄埤雅曰鷺性貪慾俗呼鷺一名扶老狀如鶴而大長頸赤目其毛

辟水毒頭高八尺善與人鬪好啗蛇

梁魚梁也○蘇氏曰鷺鶴皆以魚

為食然鶴之於鷺清濁則有間

去聲

矣今鷺在梁而鶴

在林鷺則飽而鶴則飢矣幽王進褒姒而黜申后譬

之養鷺而棄鶴也

貴賤易置處非其宜可怨又可思也

○鷺鷥在梁戢其左翼之子無良二三其德

比也戢其左翼言不失其常也

輯錄通釋曰戢其左翼以相依於內舒其

右翼以防患於外此禽鳥匹偶並棲之常也

良善也二三其德則鷺鷥之

不如矣

宜有常性乃爾無常可怨者也

○有扁

步典反

斯石履之卑兮之子之遠俾我疢

都禮反叶喬移

反
兮

比也。扁卑貌。俾使疵病也。○有扁然而卑之石，則履之者亦卑矣。如妾之賤，則寵之者亦賤矣。是以之子之遠而俾我疵也。

以貴從賤則貴者亦賤，可怨又可思也。

白華八章章四句

此詩首章及五章七章疑當作興而集傳例以為比更詳

之○白華，綠衣同一怨也。綠衣能思古人以自處，白華則未有聞也。誠使處之有道，寧不能已申侯之亂乎？然其專一之心，則可取。是以夫子錄之。○增釋許氏曰：全篇比體而四六八章正比，餘皆反比。一章言物必相須為用，今王不然而棄我。二章言天澤必普及微物，今王乃不圖其大者。三章言小水潤澤尚能浸灌稻田，有用之美物，王之尊大反不能。

施澤於所當施四章言物之貴者用之輕位
之尊者降而賤五章言有感則必有應今念
者因至而不見答六章言近惡而遠美七章
言物皆常而王心無常八章言褒於卑者自
亦自
卑也

縣蠻黃鳥止于丘阿道之云遠我勞如何飲

於鵲反

之食

音嗣

之教之誨之命彼後車謂之載之

比也縣蠻鳥聲阿曲阿也後車副車也○此微賤勞

苦而思有所託者為鳥言以自比也蓋曰縣蠻之黃

鳥

此微賤之比也

自言止于丘阿而不能前蓋道遠而勞甚

矣

此勞苦之云也

當是時也有能飲之食之教之誨之又命

後車以載之者乎

此則思有所託之意也○增釋吳師道曰大學引而云於止知其所

止雖曰斬章取義而實可以說此詩蓋微賤勞苦而思有所託者謂繇蠻之黃鳥則止于丘阿得其所當止之地矣我之道遠勞甚未知所止當是時有能飲之食之教之誨之而又命後車以載之者乎此則興也下章豈敢憚行畏不能趨即承上章道遠勞甚而言不能前不能極即未知所止之意

○繇蠻黃鳥止于丘隅豈敢憚行畏不能趨飲之食之教之誨之命彼後車謂之載之

比也隅角

輯錄朱子曰丘隅岑巒之處

憚畏也趨疾行也

○繇蠻黃鳥止于丘側豈敢憚行畏不能極飲之食之
教之誨之命彼後車謂之載之

比也側傍極至也國語云齊朝駕則夕極于魯國

繇蠻三章章八句

感慨期望之意反覆道之

幡幡

孚煩反

瓠葉采之亨

叶鋪郎反

之君子有酒酌言嘗之

賦也幡幡瓠葉貌○此亦燕飲之詩言幡幡瓠葉采

之亨之至薄也然君子有酒則亦以是酌而嘗之蓋
述主人之謙詞言物雖薄而必與賓客共之也

○有兔

它故反

斯首炮

白交反

之燔

音煩叶汾乾反

之君子有酒酌

言獻

叶虛反

之

賦也有兔斯首一兔也猶數

上聲

魚以尾也毛曰炮

合其

毛而炮之也

加火曰燔亦薄物也獻獻之於賓也

○有兔斯首燔之炙

音隻叶陟畧反

之君子有酒酌言酢

才洛反

之

賦也炕

音抗

火曰炙謂以物貫之而舉於火上以炙之

酢報也賓既卒爵而酌主人也

○有兔斯首燔之炮

叶蒲侯反

之君子有酒酌言疇之

市周反

賦也疇導飲也

輯錄朱子曰主人酌以獻賓曰獻賓酢主人主人又自飲而復飲賓曰疇

其主人又自飲者是導賓使飲也但賓受之却不飲莫於席前

瓠葉四章章四句

嘗之之云總言之也獻酢則以次而詳言之也四章皆

物薄而意厚輯錄陳定宇曰燕飲之禮在誠不在物此聊舉一二以見其微薄謙詞爾燕飲之詩有盛言其豐者魚麗是也有謙言其薄者此詩是也

漸漸

並士銜反下同

之石維其高矣山川悠遠維其勞矣武人

東征不遑朝

叶直高反

矣

賦也漸漸高峻之貌武人將帥也遑暇也言無朝旦之暇也將帥出征經歷險遠不堪勞苦而作此詩

也

輯錄歐陽氏曰漸漸高石悠遠山川序其所經歷險阻遠道之勞耳

○漸漸之石維其卒

在律反

矣山川悠遠曷其沒叶莫矣武

人東征不遑出矣

賦也卒崔嵬也謂山巔之末也曷何沒盡也言所登歷何時而可盡也不遑出謂但知深入不暇謀出也

○有豕白蹢

音的

烝涉波矣月離于畢俾滂

普郎反

沱

徒何反

矣武人東征不遑他

湯何反矣

賦也蹢躅烝衆也離月所宿也畢星名豕涉波月離

畢將雨之驗也

輯錄埤雅豕喜雨胡庭芳曰畢星好雨月水之精也

○張子曰

豕之負塗曳泥其常性也今其足皆白衆與涉波而

去

水濯其足故白

水患之多可知矣

輯錄此與上文將雨之驗意不同

此言

久役又逢大雨甚勞苦而不暇及他事也

輯錄嚴氏曰豕性負

塗常時雖白蹢躅者亦汙今羣然涉水濯其塗而見白是久雨亭潦多故也亭潦尚多雨歇未久而月離畢

則又將雨矣不遑它事惟雨是憂耳

漸漸之石三章章六句

一章則起兵在道而無休息之期二章則懸軍

入險而無出險之計三章則以持戈執戰之勞有沾體塗足之苦是以智慮廢而憂患專也

茗

音條

之華

音花

芸

音云

其黃矣心之憂矣維其傷矣

比也茗陵茗也本草云即今之紫葳蔓生附於喬木

之上其華黃赤色亦名凌霄

輯錄芸者黃之盛也

○詩人自以

身逢周室之衰如茗附物而生雖榮不久故以為比

而自言其心之憂傷也

○茗之華其葉青青

子零反

知我如此不如無生

叶桑經反

比也青青盛貌然亦何能久哉

○牂

子桑反

羊墳

扶云反

首三星在留

音柳

人可以食鮮

息淺反

可以飽

叶補苟反

賦也牂羊牝羊也墳大也羊瘠則首大也留筓也留中無魚而水靜但見三星之光而已○言饑饉之餘百物彫耗如此苟且得食足矣豈可望其飽哉

茗之華三章章四句

一章二章見國勢不可久三章見民命不可全

陳氏曰此詩其詞簡其情哀周室將亡不可救矣詩人傷之而已

何草不黃何日不行

叶戶郎反

何人不將經營四方

興也草衰則黃將亦行也○周室將亡征役不息行者苦之故作此詩言何草而不黃何日而不行何人不將以經營於四方也哉

○何草不玄

叶胡句反

何人不矜

古頑反韓詩作鰥叶居陵反

哀我征夫

獨為匪民

興也玄赤黑色也既黃而玄也無妻曰矜言從役過

時而不得歸失其室家之樂也哀我征夫豈獨為非

民哉

首章則怨國之多事此章則怨己之無家

○匪兕

徐履反

匪虎率彼曠野

叶上與反

哀我征夫朝夕不暇

叶後五反

賦也率循曠空也○言征夫非兕非虎何為使之循

曠野而朝夕不得閒暇也

上章則怨其上不以人待己此及下章則怨其上以

禽獸

待己

○有芄

薄工反

者狐

與車叶

率彼幽草有棧

士板反

之車行彼

周道

興也芄尾長貌棧車役車也

孔氏曰周禮巾車云士乘棧車庶人乘役車此

有棧是車之狀非士所乘之棧名也

周道大道也言不得休息也

芄然之狐

在草莽中其性宜也棧車行道而不息豈其性之所欲哉義既反相因語又順相應也


何草不黃四章章四句

輔氏曰芄之華言國家之衰微時物之消耗人

民不聊其生天運窮矣何草不黃見使役之繁殷生民之勞苦上之人視人如禽獸人事極矣國家至是無可為者此黍離之所以降為國風小序謂自芄柳至此其詩多似風體

雅降為風
其漸與

都人士之什十篇四十三章二百句



詩經疏義會通卷十五